

PAGAMPO HAN BUNGTO – MGA PANUYO
PARA HA MGA ADLAW HAN SEMANA

Ini nga mga panuyo mahihimo gamiton ha mga adlaw han semana dida han Pagampo han Bungto ha Misa ug ha Pagampo ha Gab-i.

Ha Espiritu Santo, Magburuhat ug Ginoo han Singbahan nga nagtutugway ha iya ha kapanahonan ug dayuday nag-aaghat ha iya hin pagtipaunhan, nasangpit kita hini nga mga pangamuyo:

***B.* Pakadi, Ikaw nga dayuyday nagbabag-o han ngatanan!**

Pakadi, O Espiritu Santo, kalag han Singbahan: pag-usaa ngan pabungaha an pagbudlay, paglaum ug an ungara han tagsa-tagsa nga kaapi han Katirok han Sinodo, nanginginyupo kami ha imo:

Pakadi, mahinay nga Huyop han Dyos, nga dida han Jesucristo nagpapakusog han nagtitikaparong na nga kalayo, ngan nagpapabalik han kabaskog han bari nga kawayan, nanginginyupo kami ha imo:

Pakadi, Magburuhat nga Espiritu, nga nagbubuhi han mga uga nga tul-an, nagtitirok han mga nahisalaag, ngan nakakapag pahimangraw han mga pinulungan nga diri nag gigikilalaay, nanginginyupo kami ha imo:

Pakadi, naglalaga nga Kalayo han Dyos, nga nagpupurog han kada hinambog nga panhunahuna, sunuga ug bag-oha an ngatanan nga kabidoan ngada hin kalipay han bag-o nga pagkahimugso, nanginginyupo kami ha imo:

Pakadi, Katahom han mga gudti ug mga kabras, padukwaga an mahusay nga asawa han Kordero pinaagi han mga luha hadton mga nahigugma han kalinaw ug inuuhaw han katadungan, nanginginyupo kami ha imo:

Pakadi, Pasaylo han Dyos, ngan kabiga kami ngada han imo ginhawa nga nagpapahiuli ha amon ngada hin bag-o nga katig-uban, nanginginyupo kami ha imo:

Pakadi, an di' madaupan nga Kinaadman, ngan pun-i kami han imo mga upa han sinodo, nanginginyupo kami ha imo:

Pakadi, an di' mapakyas nga Paglaum han Singbahan, ngan dasiga an mga inop ug hingyap sumala han kasingkasing han Dyos nga, ha tawhanon nga mata, daw diri mahihimo, nanginginyupo kami ha imo: